

مدیر: ابن السری
احمد جودت

مؤسس: ابن السری
مصطفی نامق

آشیان

ادبی، علمی، سیاسی، اجتماعی، فنی، اخلاقی هفته‌لق مجموعه‌در.

پنجشنبه

ایکذبی جلد

نومرو ۲۰

برنجی سنه

۵ محرم ۱۳۲۷

۱۵ کانون ثانی ۱۳۲۴

مندرجات

ایکذبی بیت عبدالحق حامد	امام غزالی ابن حازم فرید
مایسندی پنجره‌مزدن . . حسین سیرت	بایراق سلیمان بحری
بونلر کیملردر علی سعاد	شوپه‌نہاؤور عاقل قویونجو
فاسنی بر مناقشه جیل	قادرین روحی جیل سلیمان
عشق احمد هاشم	عفو مشتاق

استانبول

محل اداروسی: جفال اوغلندہ اداره مخصوصه

جفال اوغلندہ ایاصوفیہ جادہ‌سندہ: «مطبعہ خیرہ وشرکاتی»

۱۳۲۴





— مابعد —

بوتون موجودیتندن چیقان برفریاد، اوکا آرتق بوندن عصیان ایتیه جکسک،
کندینی ذلته قویه جقسک، جزاکی چکه جکسک « دیسور کیدی . بن شو
حالمه حیوانات وحشیه بی تعلیم ایدن برآدمه بکیزر کیدم، که هم برباقیشله
کوزینک اوکنده حیواناتی اطاعته مجبور ایدیور، هم او حیوانک تکرار
عصیان ایتسندن قورقیوردم . حقیقه زوجه مه دهشت ویرمشدم . بوقلب
اوزرنده کی قوت ونفوذی سوء استعمال ایدوب ایتدی کمی بیلمم، اونی جناب
حق تقدیر ایتسون !

هو بر براز کندینی طویلامق ایستیورمش کی طور دقدن صکره سوزه
باشلادی :

شونی ده سویلیه یم که بوقدر سرتلکمله برابر اودقیقه دن اعتباراً قابلمده
حدتدن، غیض و غضبدن، مجازات ایتک آرزوسندن باشقه برحس دهاواردی:
عفو ایتک. عفو ایتک فیکری ذاتاً اییجه یرلشمشدی. الحق اذواق ولذا نذندن
محروم قالمش بروجودک مغلوبیت و تسلیمیتی دیمک اولان قورقاقچه، قولایچه
عقولر نجبه حیثیت انسانیه بی محل ایدی. حضور رب عزتده انسانلر
یکدیگرنی فصل صفوتله عفو ایدرسه بنده بوحیفه فلاکتی او یله صاف و پاک
بر عفو ایله قیامق ایستیوردم .

ایشته بواثناده حد ذاتنده اهمیتندن عاری بوقعه حیاتمک بو کذارش طاققر ساسنه
نهایت ویردی . خاطرمد قالدیغنه کوره لوویه ره عودتمزدن درت بش آی
صکره تشرین اول ایچنده ایدی؛ بریمک صالونی، براوطه ایله زوجه مه مخصوص
آیری بر صالوندن عبارت اولان یکی بنانک انشا آتی ختام بولمشدی . دمینده

سویله مشدم؛ زوجه م کنیدی اوطه لرینک تنظیم و تفریشنی بکا براقشیدی .
 «سنلی» ده قالان اشیلارینی کتیرتدم . زوجه مک اک چوق سودیکی او اوافاجق
 سالونه برشکل صمیمیت و یرمک ایچون بوراسنی کندیسنه مخصوص دوشمه لرله ،
 اوافاق تفک شیلرله طولیدردم ، رسملری اوتده ناصل اصلمش ایسه
 بوراده ده اویله آصدردم . مرارت غریبی آزالته رق مننویتنی جلب ایتک ایچون
 نه لازمه هپ کندم یاپدم . نهایت هپسی حاضر اولوب اوطه یه برلکده کیردیکمز
 زمان سیاستنه شدتلی برتأثر علائمی بیلیردیکنی کوردیم ، نظرلری بوتون
 بوایشایی بردفعه طولاشدی ؛ هرکوشه ده خاطر اتندن ، اعتیاد اتندن برشی
 کوریوردی . دیرکن باشنی اللری آره سنه آلهرق هیچقره هیچقره اغلامغه
 باشلادی . وجودی بو هیجریقلرله صارصیلرکن «آه سز پک ظالم ایمشسکنز!»
 سوزی بکا قدر کلیوردی . بویله بر نتیجه یی هیچ بکه میوردیم . ایلاک دفعه
 اولهرق بنم یانمده دوکولن بوکوز فیاشرندن بنده متعجب اولدم . بونک نه دیمک
 اولدیغنی ذهنآ آراشدیرمغه باشلادم . عجبا ماضی یی تکرار کوزی اوکته کتیرمکه
 ایسته میهرک قلبی یکیدن یاره لدمی ، یوقسه بو حرکتمله ینه برفکر ظالمانه یه
 خدمت ایتدیکمه می ذاهب اولدی؟ یاخودده اوطوغروسی بوکوز یاشری چوقدن
 بری قاتیلان برقلبک اوافاجق برمعامله رفق ونوازشه قارشنی بردنبره مغلوبیتندن
 متولد براتر ضعفیدر؟ فقط اوتحقیرینی بردها تکرار ایتدی . . .

— سز حقیقهً برجلاد ایمشسکنز !

لکن بودفعه کی خطاب قلبی پک انصاف سزجه صیلا تمشیدی . بنده آراتق
 ضبط ایدم مدیکم برصدای کریه ناک ایله سوزه باشلادم .

— آنیس رجا ایدرم ، مقصدی اکلا یکنز . . . سوزمی بتیرمدم ،
 باشنی قالدیره رق بکا باقدی . شمدی یه قدر مانع رویت اولان ردای کین وغرضی
 ایلاک دفعه اولمق اوزره بیرته رق باقیجه یوزمدن بنده کندیسی کی مضطرب
 اولدیغمی اکلادی . حیرتندن تردد ایتدی ، فقط مغلوب کورنمک ایستمدیکی
 ایچون باشنی چویره رک قپویه طوغری قوشدی ، چیقدی کیتدی .

بووقعه ، نه قدر غریب اولورسه اولسون ، بنده آره مزده کی سوء تفهیمک

آرتق زائل اولدیغنی و بوندن صوکره دوره سکونت باشلايه جنی حسنی حاصل ایتدی . آلدانمورمشم ، ایرتسی کوندن اعتباراً زوجهم اووقته قدر مغرور براسیر خالندن چیهرق اوک اداره سنی اله آلمشدی . فقط بکا قارشى زبون اولدیغندن خلقتی ایجابجه قلبنده برکین واردی . آنجق بن ، برکون بوکین و غرضه ده غایه چاله جغمه امین ایدم . هرشی ، ارتق بوقادینک تاعمق قلبنده برنحول وقوعه کلدیکنه ذاهب ایدیوردی . بن ایسه اوکا قارشى انقیاد و مغلوبیتدن طولایى حس تفاخر دکل بالعکس منتدارلق کوستر مکه المدن کلدیکی قدر چالیشیوردم . . .

مع مافیه بوقدر مساعداته ، بودرجه حسن معامله یه بن ینه کووده میوردم . زوجهم حالا آچلیمیور ؛ حالا کندی هیچ قباحی اولمقسزین حقسزیره ، ظالمانه ، وحشیانه بر صورتده بدبخت اولمش برقادین ظن ایدیوردی . بر طرفدن کندی خلقتک ، بر طرفدن ده طبیعتک یاردمیله یاواش یاواش سکون بولمغه باشلامشدی . شور براق کون ایچنده قصیه مریک بعض مناظرینی بلکه سن ده کوردرک بونلرده کی رنگ عظمت و شدتی آکلامش سکدر . چوق دفعه لر بوراده طبیعت موثر برشکله کیر ، اوت ، موثر دیورم ، چونکه برسیا قارشوسنده فصل متأثر اولورسه ق برمنظره طبیعت ده بزی اوپله متأثر ایدمیلور . زوجهم قیر حیاته یک آزمألوف اولمغه برابر روحی تأثیرات طبیعت قارشى متحسس اوله جق قابلیتده اولدیغنی ایچوندرکه اقشاملری کونش غروب ایدرکن شووافق ترسه دن افاق تماشا ایتک اک برنجی مدار تسلیسی ، حتی دیه یلورم که بوافقلر ایلاک محرم قابی اولدی . کویمزک صوک بهارنده اوپله مستتا بر لطافت وارکه تعریف ایدم . بوکوزل صوک بهار ، بوسنه هروقتدن زیاده اوزون سوردی . چیقتلک دیوارینک آرقه سنه دیکلمش متروک برکل آغاجی بزد کانون اوله قدر کل ویردی . بونلر زوجه می حقیقه متحسس و متأثر ایتشدی . هرکون صباح آقشام ساعتلرجه کیزردی . بوتنزه لر هان دایما سکوت ایچنده کیمکه برابر هر دفعه سنده برتأثیر سکون بخش ایله نتیجه لیردی . آیلردن بری ایلاک دفعه اولمق اوزره اطرافنده اشیادن متلذذ اولمغه باشلامشدی . ده ا لطیف و خندان

منظره لردن بلسکه بوقدر متاثر اولمازدی ؛ حالبوکه بوراده اووه لرك ملال غریبانه سی ، دره لرك حزن وحشت آلودی ، اورمانلری یالديزلایان کونشك رنك حزين توکلی ، خلاصه بوتون طبیعت اونك روخنده کی حالنه مطابقدی . بعضاً کوزلری یاشله طولاردی . بن بوسسبز صداسز طوران یاشلرك هانکی منبعدن قوپوب کلدیکی بیلیر ، بونلرك آجی دکل بالعکس طاتلی یاشلر اولدیغنی حس ایدردم . هیچ برشی سویله مزدم . چونکه طبیعتك لسان رازی بنم سوزلرمدن زیاده قلبنه ملایم کلیردی .

آته بینمکی پك ایی بیلیردی . صاحلری تنزهرلمده بکارفاقت ایده بیلیمک ایچون برآت کتیرتمکی تکلیف ایتدم . بوتکلیفمی ایکی دفعه تکرار ایتدیکم حالده هر دفعه سنده آرزوسی اولدیغنی سویلیدی . دیرکن برکون صباحین بن حیوانه بینمک اوزره ایکن یاتمه کلدی وکندیسی ایچون آت المغی بن آرزو ایدیورسم اوده راضی اوله جغنی سویله یویردی . سیاسنده کی حالدن ، بندن صاقلايه مدیغنی حرت حجابدن آکلادم که اوده آته بینمکی قلباً ایسته یور . درحال آرزوسنی یینه کتیردم ، برلکده برقچ دفعه کر مکه چیققدن صوکره برکون بوندن بویه یالکزر کر مسنه مساعده ایستدی . نه یالان سویله ییم ، بوطلب برپارچه حیرتمی موجب اولمشدی . هنوز قصه یی ایی طانیدیغنی ، اورمانلرك یوللری انسانی شاشیرته جق قدر قاریشیق اولدیغنی ، بیندیکی حیوانك باشی سرت و برقضا چیقمسسی محتمل بولندیغنی سویلدم ؛ هیچ جواب ویرمدی . آکلادم که حد ذاتنده پك صریح ومعقول اولان بواسبابی قبول ایده جک یرده بالعکس پك متاثر اولدی . ایرتسی هفته حالنه دها زیاده برطورغونلق کلدی . شبهه سز بندن ایلك دفعه اوله رق طلب ایتدیکی برشینك رد اولندیغنی کورمك عظمت نفسنه طوقتمشدی . فقط اضطرابی ساده عزت نفسی جریحه دار ایدلدیکنندن دکلدی ، چونکه سکون ایچنده کچن برقچ هفته دن صوکره یکی بردوره بحرانه اوغرا دیغنی آکلایوردم . بو حال اندیشه می موجب اولدی .

(مابعدی وار)

اسماعیل مشتاق